

二非室詩餘別集  
青芙館詞鈔





二室詩餘別集

陳壽祺 著

叢書集成初編

(補印本)

二非室詩餘別集及其他一

一九三九年十二月初版  
一九六〇年五月補印

陳壽祺 著作

商務印書館出版

上海洪興印刷廠印刷

二韭室詩餘別集

山陰陳壽祺珊士

臨江仙 新月

一抹蛾眉纖樣。阿誰畫向黃昏。亭亭怯怯驛微雲。相思正好。瘦影殢花魂。最是開簾拜處。清暉斜逗羅裙。美人纖指搯微痕。朝來明鏡裏。深淺昵郎勻。

南浦月 春閨送別

一夜離愁。朝來清減腰支細。落花聲裏。門外天涯地。楊柳依依。飛絮渾無際。君知未。任風拋棄。總寓纏綿意。

金縷曲 賀研雲童二三娶時九月望日也。

月色團圓矣。倩姮娥、重描鴛牒。照來花底。穗帳擡烟銀簾小。珍重晚

秋天氣。須瞞過。鐙邊涼意。試問劉郎前度後。到而今。債欠相思幾。好打疊。那人替。魚犀偷整。嬌回睇。儘綢繆同心小字。風流印臂。兩次情天教恨補。贏得紅絲再繫。者纔是。三生豔記。漫道胡盧依樣畫。算美人。稿定重新起。肯寄我。玉臺體。

沁園春 雪美人

彼美人兮。是耶非耶。立而望之。看冰肌瘦削。玉肩微蹙。苔階悄立。無限嬌癡。畫稱紅蕉。香輪綠萼。小字端宜贈雪兒。含情處。正花飛數點。纖手拈時。天仙謫下瑤池。無可奈。珊珊步也遲。縱心寒如水。腸枯似井。花天月地。一樣相思。怨共雲團。迴兼風舞。多少春愁強自支。銷魂候。又夕陽庭院。此恨誰知。

洞仙歌

癸丑春。從友人借閱。和者。中列洞仙歌韻。次六字。原係以美人。髻詞。索閱。友和者。中列洞仙歌韻。次六字。原

詞不錄。惜哉。雨窗無偶。按韻填之。亦猶遣法也。

銀篦膩處。正晨妝催後。春鞦雲鬟影。憐瘦。看愁傳半面。豔疊同心。明鏡裏。巧把相思縮就。高低隨意好。新樣傳來。笑問檀奴稱宜否。釵尾燕茸新。重蘸豪犀。又午睡。惺忪時候。待茉莉。夜深鬢邊開。有別樣幽香。枕函消受。

惜分飛

送春

和淚和愁黏幾許。都做天涯飛絮。夢斷尋何處。綠紗窗外。悄悄雨。春光此別渾無主。定到那人邊去。花下丁寧語。見時千萬和郎住。

洞仙歌

記夢

遊仙一夢。怎生生驚醒。妥貼殘魂到欹枕。似分明記得。小扇輕衫。正嬴箇。夜月紅樓人靜。春痕無覓處。黯黯牀頭。影事模糊怕重問。好個可憐宵。獨自溫磨。聽簷外。亂更淒緊。倘得個。斷夢續花邊。願魂化銀蟾。描伊小影。

西子妝

詩夢攙涼。茶烟誤晚。秋意商量一半。疏痕紅上蓼花枝。笑斜陽、何曾  
慘慣。調停酒醺。莫先被、鸚哥偷喚。燕歸來。又描摹愁黛。月明池館。  
煙波遠。獨自偎寒。燈影如儂嬾。西風吹恨到妝樓。悄黃昏、玉釵敲斷。  
海棠不管。贏得个、相思零亂。問朝來、多少魂銷枕畔。

菩薩蠻

閒攜酒榼尋花去。簫聲吹徹瀟瀟雨。雨過野花涼。春山底樣香。柳  
陰穿逕曲。好鳥如人熟。流水夕陽中。白雲波底紅。

柳梢青 愁

鎮日懨懨。羅衾熨遍。夢也人憐。梅子心情。石榴滋味。併做酸甜。金  
鍼撇了還拈。酒醒處、斜陽半簾。依樣描來。和盤托出。只此眉尖。

菩薩蠻 廿七 黎莊題壁

酒盃不慣愁滋味。閒情商略秋燈裏。今夜玉衾孤。紅樓睡也無。起  
來窗未曙。殘夢風吹去。若解箇儂心。吹他向那人。

### 太常引

春風不管箇儂癡。幾次賺歸期。剛待不相思。又偷把、金釵卜伊。慊  
慊心地。鵝衾尋遍。夢也把人欺。夢若果真時。也留個、薄情影兒。

### 洞仙歌

玉簫訪豔。記小梁橋過。門掩花陰淨珠唾。正粉闌雙燕。喚起梳頭。消  
受者。半晌脂香閒坐。妝成嬌顧影。背昵星釵。茸蜨惺忪貼烟妥。踈  
地袴花涼。罩上輕容。問簾外、小風寒麼。看笑撚花枝立郎邊。但微幸  
相憐。無言都可。

### 前拍

綠窗晝靜。算蕭郎重到。率地湘簾影都悄。有濛濛花氣。貼向衾邊。濃

睡裏越顯箇人嬌小。玉鼻香未減。小枕低鬟。羅帳垂垂護烟曉。好夢向誰邊。此三子春痕。偏箇裏朦朧欲笑。怪鸚母。簷前說人來。忽驚覺。擡身梨窩紅了。

前拍

渭城唱罷。滯閒情多少。眼底安排甚般好。算麝巾絨淚。鴛軫商愁。便飄泊。也合幾生修到。簾心微月白。涼入鸞衫。幾點秋星帶花曉。月也可憐生。如此離筵。偏要爲愁人雙照。縱容易。明年得重來。恐別後櫻桃。啼鴛都老。

前拍

久拚拋却。怎今宵驀地。舊事重重又兜起。算秋邊賭句。花底評香。生換了。獨自扶頭滋味。玉樓何處是。青鳥銀屏。花葉書成怎生寄。紅豆種西風。采向天涯。知此是相思根蒂。只密意。如絲不能拈。待織就。

迴文一星星記。

望江南

丙辰冬仲由大梁赴袁江車行每日記一詞共得十錄解昨檢故篋僅存其二餘則散失不復記憶矣因補錄

此于

歸去也。斜日下睢州。邨外不曾閑戰馬。門前猶自臥耕牛。香稻幾家收。

歸去也。天外戰雲愁。旗影碧搖殘堞角。塔尖紅過亂山頭。無恙到徐州。

醉花陰

戲贈東鷗生

斷魂風雨無憑準。賺煞花情性。移燭向燈邊。一箇情人。兩箇相思影。酒懷不耐秋宵冷。殘夢愁中醒。縱不憶人時。藥氣羅衾也。念些兒病。

卜算子

十二夜宿雙樓

好箇可憐宵。打疊閑衾枕。月自團圓酒自溫。夢自秋邊冷。續續漏聲沈。漠漠茶烟醒。紅是燈兒綠是窗。瘦是人兒影。

虞美人

三月十一海上臥病聞浙省寇警欲歸未能感拈此解

牡丹花底紅闌折。燕與人俱客。閒情已是不禁春。何況春來小病與愁并。飄零身世傷離亂。不管絲魂斷。家書一紙未開緘。先向題籤兩字看平安。

洞仙歌

懨懨睡起。把夢痕重認。十二紅樓斷芳訊。笑朦朧燕子。生怕春愁。先悄地、覓箇香巢棲穩。孤雲吹不斷。翦了還連。影事淒涼怕相問。容易說無情。道是天涯。却偏又、隔花人近。也忒煞、難猜個中緣。賸一縷情絲。儘人消領。

醉花陰

山塘卽景。和玉森汪同年韻。

畫船細雨黃花瘳。羅扇新涼透。水樣好秋宵。商略清遊。莫放西風舊。  
水沈香屑溫金獸。月色明如晝。人倚水窗邊。脈脈銀河。吹墮天孫宿。

滿江紅

蕓客以團扇屬叔云畫牡丹書自填滿江紅詞寄人卽次原韻調之

箇樣風懷。剛寫上、研金羅扇。算一捻、團圓深意。除花曾見。粉葉羞攏衫影薄。唾茸嬌沁脂香煖。問髻邊、春色畫中愁。誰長短。巾麝冷。銀梳券。琴鴈瘦。紅蘭怨。怎珠鐙無賴。夢隨人遠。翠幔小風。雖燕病。綠榆殘月。啼鵲嬾。又幾時、花底訴相思。憑肩看。

前調

美人抹胸

燈下擊鉢唱韻與叔子越縵同作

熨貼春愁。正深護、玉窩溫處。看半褶、訶黎新樣。微熏蘭炷。繡襪軟兜胡蝶翅。錦鞋尖簇春鸚喙。背銀鐙。羞影解春衫。防輕露。遮爪印。圍腰素。情密密。紉如許。記郎心。却月。定情偷賦。粉領斜縈珠一索。雪臍

暖約金雙縷。算玉包、肚曲最銷魂。鸞簫訴。

前調 美人鞋尖。與越縵同作。

銜出珍珠。恰鳳嘴、纖纖新染。看拖逗、鬱金裙縫。半鉤春淺。握處巧分菱角瘳。兜時暗刺苔鬚軟。更迷藏、簾底一絲紅。忘遮掩。疎雨陌東風院。閒立處。情何限。怪落花無賴。春痕偷翦。莎徑蹴毬金縷濕。秋堂點拍香綯煖。道蘭芽、一樣可人憐。量還欠。

雨中花

驀地相逢無可說。悄攜手、畫闌干折。耳葉羞紅。眉梢謔翠。春在桃花月。燕子分明還記得。怎瞞過、東風消息。水樣輕寒。烟般斷夢。夢了春衫纈。



青芙館詞鈔

陳壽祺著

本館據滂喜齋叢  
書本排印初編各  
叢書僅有此本

青芙館詞鈔

山陰陳壽祺珊士

連理枝 秋曉

煙雨絲絲絆。鷓鴣聲聲喚。殘藁團秋。孤鐙絮夢。獨眠人慣。算閒庭紅  
上女兒花。奈昨宵風嬾。

金縷衣

往事休回首。歎頻年、槐花踏遍。青衫依舊。恨地歡場同一夢。賺得離  
愁盈斗。飄泊意、天公知否。薪米妻孥增太息。甚悲涼、况味拚消受。淚  
似水、遍衣袖。蕭蕭落葉西風驟。况又是、斷煙衰柳。傷心時候。秋與  
詩人同一稿。都比前番損瘦。算好事、今真辜負。冷落扁舟租一葉。且  
斜陽、料理蘆花酒。謀一醉、他何有。

洞仙歌

冥冥悄悄。把殘更挨坐。一點疏燈夢挑破。算情絲縷縷。斷了還連。儘  
做弄、鐙下離人一箇。小窗愁憶處。無限淒涼。心上安排甚時妥。吹  
簫玉梅邊。青子星星。問此意、梅還知麼。生恨著、薄倖負春光。能者樣  
團圓。酸心都可。

秦樓月 題美人背立圖

春風倦。美人背立秋千院。秋千院。綵繩扶下。玉釵猶顫。丹青想像  
芙蓉面。驚鴻小影休呼轉。休呼轉。紅顏千古。幾人青眼。

洞仙歌

梧桐雨歇。把新秋做就。紅得斜陽影都瘦。喜桃笙涼沁。蕉扇寒知。恰  
贏箇、試茗焚香時候。水晶簾捲處。初月描來。出色鵝黃蘸詩袖。簾  
外碧闌干。闌角疏紅。剛昨夜、曉風吹透。更何須、高處羨瓊樓。便一枕